



NEWSLETTER

OLIMPIJSKOG KOMITETA BiH



No.10 septembar/oktobar 2021



Dragi sportisti i sportski radnici,
Dragi prijatelji,

Olimpijski komitet Bosne i Hercegovine je obilježio 28 godina od zvaničnog priznanja Međunarodnog olimpijskog komiteta. Nakon skoro tri pune decenije rada, OK BiH sa ponosom može konstatovati da postoji i djeluje kao organizacija koja se uspješno prilagođava promjenama, a koje nisu uvijek dobronamjerne i korisne po sportski sistem u Bosni i Hercegovini. COVID-19 pandemija je predstavljala veliki izazov i svojevrsni test stabilnosti Olimpijskog komiteta BiH. Uspješno završiti misiju OI Tokyo 2020 u vrlo teškim, i do sada neviđenim uslovima, upravo svjedoči o tome.

Kredibilnost krovne sportske organizacije u Bosni i Hercegovini potvrđuje i vjernost naših decenijskih sponzora. U septembru mjesecu smo ozvaničili nastavak saradnje sa kompanijom

BH Telecom, koja kao društveno odgovorna institucija nastavlja da podržava BiH sportiste, posebno sada kada im je to i najpotrebnije.

U proteklom periodu smo realizovali niz projekata, među kojima bismo izdvojili Tehnički kurs za trenere iz oblasti kondicione pripreme i promociju prevoda bestseller-a "Sveti obruč", u organizaciji OK BiH. Projekti koji podstiču razmjenu i primjenu novih znanja i praktičnih iskustava su projekti na kojima će OK BiH nastaviti vrijedno da radi, a već sada možemo primjetiti da smo se postavili kao dobar uzor našim članicama sportskim strukovnim savezima koji uspješno organizuju i realizuju Tehničke kurseve za trenere u svojim sportovima i interesnim oblastima. Nismo zaboravili na društveno odgovorne projekte, te smo i ove godine očistili naše olimpijske ljepotice, a i organizovali niz sportskih događaja za naše najmlađe kroz obilježavanje Evropske sedmice sporta 2021 u BiH.

Naši sportisti i pored nesvakidašnjih takmičarskih uslova, nastavljaju nizati uspjehe na međunarodnoj sportskoj sceni, na čemu im iskreno čestitamo!

Važno je napomenuti da su članovi Predsjedništva OK BiH učestvovali na sastanku NOK-ova zapadnog Balkana u Crnoj Gori, u cilju zajedničkog djelovanja i ostvarivanja komplementarnih ciljeva. Pored toga, Predsjedništvo OK BiH je tokom učešća na ANOK Generalnoj skupštini održalo važan sastanak sa Predsjednikom NOK-a Španije po pitanju ideje o zajedničkoj kandidaturi ZOI Barselona - Sarajevo 2030.

Znajući da se ciljevi ne mogu ostvariti sami, Predsjedništvo i Izvršni komitet OK BiH djeluju proaktivno u ostvarivanju ciljeva, misije i vizije OK BiH, a sve na opštu dobrobit bh. sporta i sportskog sistema.

prof. dr Milanko Mučibabić, potpredsjednik OK BiH

28 GODINA *Olimpijskog komiteta Bosne i Hercegovine*

ODRŽANA SVEČANA SJEDNICA GENERALNE SKUPŠTINE OK BIH



Na dan 24. septembar, u prostorijama Olimpijskog komiteta Bosne i Hercegovine održana je Svečana sjednica Generalne skupštine OK BiH povodom 28. godina od prijema Olimpijskog komiteta BiH u punopravno članstvo Međunarodnog olimpijskog komiteta 1993. godine.

Nakon toga slijede godine u kojima Olimpijski komitet BiH svojom posvećenošću i napornim radom, otvorenošću i jasnom vizijom, razvija sport i sportski sistem. Olimpijski komitet BiH je do sada učestvovao na 56 takmičenja sa 903 najboljih sportista, reprezentativaca ove države. Osvojena je 41 medalja i to 5 zlatnih, 12 srebrenih i 24 bronzanih.

Predsjednik OK BiH Marijan Kvesić je u svom govoru rekao da je kroz projektno djelovanje Olimpijski komitet BiH u proteklih 28 godina realizovao više od hiljadu projekata iz oblasti podrške našim članicama, sportskim savezima BiH, vrhunskim sportistima i olimpijcima, kao i mnogobrojne projekte iz oblasti edukacije i usavršavanja trenera, unapređenja menadžmenta sportskog sistema i promocije olimpijske vrijednosti. Olimpijski komitet BiH je to činio prvenstveno realizirajući projekte Olimpijske solidarnosti MOK-a, Evropskog olimpijskog komiteta, a od 2015. godine i uz pomoć projekata Evropske unije. Gotovo da ne postoji uspješna organizacija manifestacije iz domena „Sport za sve“, a da Olimpijski komitet BiH nije finansijski ili organizaciono podržao kao „Specijalni partner“.



Predsjednik Kvesić je na kraju rezimirao i podcrtao bitne datume i događaje kao i kapitalne projekte koje je Olimpijski komitet BiH realizovao ili bio jedan od lidera:

- *Rekonstrukcija i obnova Olimpijske dvorane Zetra (1999.)*
- *Potpisivanje Lozanske deklaracije i prvi nastup jedinstvenog bh. tima (OI Sidnej 2000.)*
- *Objedinjenje bh. sporta na nivou države Bosne i Hercegovine (2001/2002.)*
- *Obilježavanje 20 godina od ZOI 84 i otvaranje privremenog Olimpijskog muzeja (2004.)*
- *Usvajanje Zakona o sportu na nivou BiH (2008.)*
- *Usvajanje Strategije sporta BiH (2010-2014.)*
- *Izdavanje kapitalne monografije „Olimpijski spomenar“ (2017.)*
- *Organizacija Zimskog EYOF-a 2019 Sarajevo i Istočno Sarajevo (2019.)*
- *Nagrada „PEACE AND SPORT“, Monako (2019.)*
- *Obnova i restauracija zgrade Olimpijskog muzeja (2020.)*

Tokom Svečane sjednice potpisani su ugovori sa troje mladih i perspektivnih sportista iz Projekta Olimpijskog komiteta BiH „Podrška mladim olimpijskim nadama“. Lana Pudarplivanje, Ada Avdagić-taekwondo i Aleksa Vuković-biatlon, ukupno će primiti 12.000,00 USD, a sve u cilju nastavka kvalitetnih priprema u ostvarenju njihovih olimpijskih snova za predstojeće ZOI Peking 2022.g. i OI Paris 2024.g.

„Uz pomoć projekata Olimpijske solidarnosti MOK-a, projekta „Specijalne aktivnosti“ EOK-a i EU projekta „Muzejske priče“, kao i uz pomoć naših sponzora, renovirana je i svečano otvorena multimedijalna sala u prostorijama Olimpijskog komiteta BiH. Sala će biti na raspolaganju Olimpijskom komitetu BiH i strukovnim sportskim savezima BiH, a sve u cilju jačanja sportskog sistema BiH“, riječi su predsjednika OK BiH Marijana Kvesića.

Na Svečanoj Generalnoj skupštini je također razgovarano o unapređenju finansiranja Olimpijskog komiteta BiH i strukovnih sportskih saveza BiH. Doneseni su jasni zaključci u cilju sistemskog rješavanja finansiranja Olimpijskog komiteta BiH, strukovnih sportskih saveza BiH i sistema nagrađivanja sportista za ostvareni vrhunski sportski rezultat. Ovi zaključci će biti prosljeđeni svim nivoima vlasti u BiH, a posebno Vijeću ministara BiH i nadležnim ministarstvima za sport u BiH, jer je sadašnji način finansiranja „vrhunskog sporta“ neprimjeren i neodrživ.



UČEŠĆE PREDSDJEDNIŠTVA OK BIH NA GENERALNOJ SKUPŠTINI ANOKA-a

Ideja o zajedničkoj organizaciji Zimskih olimpijskih igara 2030



U okviru drugog dana zasjedanja Generalne skupštine ANOK-a, predsjednik g. Marijan Kvesić i potpredsjednici prof. dr. Milanko Mučibabić i prof. dr. Izet Rađo, održali su sastanak na temu zajedničke organizacije Zimskih olimpijskih igara koje bi organizovali španski grad Barcelona i glavni grad Bosne i Hercegovine, Sarajevo.

Predsjednik Olimpijskog komiteta Španije g. Alejandro Blanco Bravo je iskazao veliku podršku ideji i zajedničkoj kandidaturi. Prethodno, prezentacija ideje zajedničke kandidature održana je u Ljubljani Olimpijskim komitetima regiona centralne i

jugoistočne Evrope. Pored predsjednika Blanco Bravo, sastanku je prisustvovala gđa. Victoria Cabezas, član Izvršnog komiteta Evropskih olimpijskih komiteta i generalni sekretar OK Španije.

SASTANAK PREDSDJEDNIŠTVA OK BIH I GRADONAČELNICE SARAJEVA

Vidimo se u Barseloni i Sarajevu 2030?

Dva olimpijska grada Barcelona i Sarajevo su započela ozbiljne razgovore o ideji kandidature za Zimske olimpijske igre 2030. Iako je riječ o lijepoj ideji dva grada, do njene realizacije je težak i trnovit put. Stoga su čelnici Olimpijskog komiteta Bosne i Hercegovine održali niz sastanaka sa interesnim grupama. Među njima, održan je i sastanak sa Gradonačelnicom Grada Sarajevo gđom Benjaminom Karić.

Predsjednik Marijan Kvesić je informisao da su čelnici Olimpijskog komiteta BiH održali sastanak sa predsjednikom Španskog olimpijskog komiteta Alejandrom Blanco Bravo, koji je u potpunosti podržao ovu ideju i projekat.

Gradonačelnica je izvjestila članove Predsjedništva OK BiH da je već i sama pokrenula niz sastanaka sa istim ciljem, a među njima je i posjeta Španskoj ambasadi u BiH, koja je u potpunosti podržala ovu ideju i projekat. U slučaju kandidature, Grad Sarajevo bi se obavezao da u potpunosti rekonstruiše Bob stazu na Trebeviću, kako bi ista već bila u funkciji za testna takmičenja prije Igara. Na rekonstruiranoj stazi bi se održavala takmičenja iz tri sporta u više disciplina: bob, sankanje i skeleton.

Da li se vidimo u Barseloni i Sarajevu 2030, je pitanje na koje još dogledno vrijeme nećemo imati odgovora, ali da ovakve ideje i inicijative u nama bude uspavani Olimpijski duh, osjećaj prijateljstva, zajedništva i poštovanja, to je sigurno!



BH TELECOM & OK BiH | NASTAVAK USPJEŠNE VIŠEGODIŠNJE SARADNJE




U prostorijama Olimpijskog komiteta BiH, generalni direktor BH Telecom-a mr sci. Sedin Kahrman i potpredsjednik Olimpijskog komiteta BiH prof. dr Milanko Mučibabić, potpisali su trogodišnji Sponzorski ugovor uz prisustvo Izvršnog komiteta Olimpijskog komiteta BiH i marketinške agencije Maxima Sarajevo, predvođene direktoricom Amelom Mehić koja zastupa Olimpijski komitet BiH.

Preko dvije decenije kompanija BH Telecom je ponosni partner i sponzor Olimpijskog komiteta BiH. Kontinuiranom podrškom i prisustvom, postali su neizostavni dio olimpijske porodice i Olimpijskog pokreta u BiH te svake uspješne sportske aktivnosti. Podrška u proteklim godinama govori i to da je BH Telecom prepoznao u Olimpijskom komitetu BiH sportsku instituciju vrijednu i dostojnu strateškog partnerstva i saradnje na čemu je OK BiH posebno zahvalan.

Video potpisivanja Ugovora u Olimpijskom komitetu Bosne i Hercegovine, kao i izjave potpredsjednika OK BiH prof. dr Milanka Mučibabić i mr sci. Sedina Kahrman, generalnog direktora BH Telecom-a, pogledajte na [OVOM LINKU](#).



GENERALNA SKUPŠTINA MEĐUNARODNOG KOMITETA MEDITERANSKIH IGARA



Generalna skupština Međunarodnog komiteta Mediteranskih igara, održana je u online formatu 14. oktobra. Ova organizacija je nakon 18 godina dobila novog Predsjednika. Novi predsjednik je gosp. Davide Tizzano koji je na tom mjestu naslijedio dosadašnjeg predsjednika Amara Adadija. Gospodin Tizzano je dvostruki osvajač zlatne medalje u veslanju sa OI Seul 1988 i Atlanta 1996, a kao jedini kandidat na ovim izborima, jednoglasno je izabran od strane delegata iz 26 olimpijskih komiteta

– članica ICMG-a. Pored novog Predsjednika, ICMG je izabrao novi Izvršni komitet koji čini 7 predstavnika NOK-ova. Na ovoj Generalnoj skupštini, izabran je domaćin Mediteranskih igara na plaži 2023. godine. Treće izdanje ovog takmičenja bit će održano u grčkom gradu Heraklionu koje se nalazi na ostrvu Krit.

DUGOGODIŠNJI DIREKTOR OLIMPIJSKOG MUZEJA ZOI SARAJEVO '84, EDIN NUMANKADIĆ ODLIKOVAN PRIZNANJEM „VITEZ UMJETNOSTI I KNJIŽEVNOSTI“ REPUBLIKE FRANCUSKE

NJ.E. Ambasadorica Francuske u BiH Christine Toudic uručila je prestižno odlikovanje iz oblasti kulture „Vitez reda umjetnosti i književnosti“ na prigodnoj svečanosti u francuskoj rezidenciji bosanskohercegovačkom slikaru Edinu Numankadiću.

Pored svog životnog poziva i opredjeljenja kao međunarodno poznati likovni umjetnik, Edin je većinu svog radnog vijeka proveo u ulozi direktora Muzeja XIV Zimskih olimpijskih igara u Sarajevu.

Edin je skoro 4 decenije vrijedno radio na promociji i očuvanju najljepših momenata naše prošlosti, starajući se da sjećanje na olimpijsko naslijeđe BiH i olimpijski duh nastavi da živi u srcima svih Bosanaca i Hercegovaca. Edo je također na prijedlog Olimpijskog komiteta BiH 2013. godine bio dobitnik prestižne nagrade “Pjer de Kuberten” Međunarodnog olimpijskog komiteta.

Olimpijski komitet BiH čestita Edinu Numankadiću na priznanju koje mu je dodijelila Republika Francuska.



PROJEKTI • OK BiH

prof. dr IZET RAĐO | O PROJEKTNIM AKTIVNOSTIMA OK BiH



Olimpijski komitet BiH od 2015. godine uspješno realizuje i aplicira na bespovratna sredstva Evropske unije. Uzevši u obzir da Bosna i Hercegovina ima vrlo limitirane resurse kada su u pitanju grantovi Evropske unije, sa pravom možemo istaći da je OK BiH vodeća organizacija u BiH po pitanju EU projekata u oblasti sporta. Više o aktivnostima OK BiH u ovoj oblasti pogledajte u prilogu sa potpredsjednikom OK BiH prof. dr Izetom Rađom. Klikom na sliku ili [OVDJE](#).

PROJEKAT PODRŠKE MLADIM OLIMPIJSKIM NADAMA

Olimpijski komitet BiH je putem projekta "Podrška mladim olimpijskim nadama" podržao Lanu Pudar, Adu Avdagić i Aleksu Vuković sa ukupno 12.000,00 USD!

Olimpijski komitet Bosne i Hercegovine, iako nebudžetski korisnik, pronašao je mogućnost i putem Kontinentalnog granta Međunarodnog olimpijskog komiteta, obezbijedio finansijska sredstva za podršku našim najperspektivnijim mladim sportistima.



Tokom održavanja Svečane sjednice Generalne skupštine OK BiH povodom 28 godina od prijema Olimpijskog komiteta BiH u članstvo Međunarodnog olimpijskog komiteta, potpisani su ugovori sa Lanom Pudar (plivanje), Adom Avdagić (taekwondo) i Aleksom Vukovićem (biatlon) koji su se izdvojili svojim vrhunskim rezultatima ostvarenim u proteklom periodu. Olimpijski komitet BiH je dodijelio finansijsku podršku u iznosu 4.000,00 USD svakom sportisti pojedinačno.



Kontinuiranim podrškama mladim i perspektivnim sportistima daje se šansa za kvalitetniji trenazni proces koji će rezultirati ostvarenjem vrhunskih rezultata i boljoj i kvalitetnoj pripremi za ostvarenje olimpijske norme za predstojeće ZOI Peking 2022.g. i OI Paris 2024.g.

Pročitajte više na ovom [LINKU](#).

OLIMPIJSKI KOMITET BIH ORGANIZOVAO DVODNEVNI SEMINAR ZA TRENERE



U saradnji sa Međunarodnim olimpijskim komitetom, Olimpijski komitet Bosne i Hercegovine je 9. i 10. oktobra 2021. godine organizovao „Tehnički kurs za trenere” o bazičnim principima kondicione pripreme sportista.

Već ranije, OK BiH je prepoznao vrijednosti sistemskog usavršavanja trenera, te je temeljem pozitivnih efekata edukacija poput specifičnih tehničkih kurseva za trenere iz pojedinih sportova, kao i iskustava o neophodnosti umrežavanja ljudi, odlučio implementirati dvodnevni program usmjeren na edukaciju profesionalnih trenera iz oblasti kondicione pripreme. Učesnici kursa su bili perspektivni mladi treneri iz različitih sportova i cijele Bosne i Hercegovine.

“Tehnički kurs za trenere, čiji je moto “Kondicija nikada ne miruje, ona raste ili opada” okupio je ukupno 45 trenera iz Bosne i Hercegovine koji su dobili certifikat o učešću Međunarodnog olimpijskog komiteta. Broj učesnika bio je ograničen u skladu sa epidemiološkim mjerama COVID 19, dok odziv kandidata i zainteresovanih polaznika jasno očituje interesovanje i potrebu sportske zajednice za edukativnim projektima, specifično u bazičnim oblastima trenažnog procesa koji je neodvojivi segment uspjeha u svim sportovima” – izjavio je predsjednik OK BiH gosp. Marijan Kvesić na svečanom otvaranju seminara.

“Hvala Olimpijskom komitetu BiH koji je okupio nas trenere iz prakse. Mislim da seminari poput ovog nemaju samo edukativni karakter, već imaju i socijalnu notu koja se ogleda u umrežavanju profesionalaca iz različitih sportova,” izjavila je Larisa Cerić, bosanskohercegovačka olimpijka i jedna od polaznica kursa.

Cijelu vijest možete pročitati na [ovom linku](#).



U OK BIH ODRŽANA PROMOCIJA KNJIGE “SVETI OBRUČI” LEGENDARNOG KOŠARKAŠKOG TRENERA FILA DŽEKSONA



U okviru Tehničkog kursa za trenere u organizaciji OK BiH održana je promocija knjige “Sveti obruči” legendarnog košarkaškog trenera Fila Džeksona. Radi se o bosanskohercegovačkom izdanju prevoda jedne od najboljih knjiga iz oblasti filozofije treninga koja nas uči o motivaciji, timskom radu i izvrsnosti, te ukazuje na činjenicu da je biti igrač teško samo po sebi, ali voditi ostale igrače je umjetnost koja zahtjeva energiju, karizmu, stručnost i znanje iznad svega.

Olimpijski komitet BiH, kao organizacija koja uči je odlučio da ovu izvrsnu knjigu učini dostupnom bosanskohercegovačkoj olimpijskoj zajednici na B/H/S jeziku kako bi bosanskohercegovački treneri mogli da uče i unaprijede svoje vještine.



Promotori knjige su bili prof.dr Izet Rađo, potpredsjednik Olimpijskog komiteta BiH i prof. dr Zoran Milošević, pokrajinski sekretar za visoko obrazovanje i naučnoistraživačku djelatnost.

Promocija knjige je održana u okviru dvodnevnog Tehničkog kursa za trenere iz oblasti kondicione pripreme koji je Olimpijski komitet BiH organizovao za mlade trenere iz 20 različitih sportova i iz cijele Bosne i Hercegovine sa ciljem razmjene znanja, iskustava i ideja.

Pročitajte više na [ovom linku](#), a video promocije pogledajte [ovdje](#).

OK BiH & LET'S DO IT | OLIMPIJSKA BORILIŠTA I EKOLOŠKI ODRŽIVI RAZVOJ



„Olimpijska borilišta i ekološki održivi razvoj 2021“ je projekat kojim je Olimpijski komitet Bosne i Hercegovine specijalni partner u akciji Svjetskog dana čišćenja koji u našoj zemlji sprovodi Let's Do It Bosna i Hercegovina. Akcija je najavljena [press konferencijom](#) održanom u prostorijama OK BiH dva dana prije realizacije aktivnosti.

I pored kiše u jutarnjim satima, oko 2000 vrijednih volontera na svim lokacijama u Bosni i Hercegovini sakupilo je značajnu količinu otpada. Zbog epidemiološke situacije broj volontera u organizovanim akcijama čišćenja bio je ograničen. Ove godine, OK BiH je bio specijalni partner u 10 bh. gradova i opština, a posebno zadovoljstvo su akcije čišćenja olimpijskih borilišta – Bob staze na Trebeviću i Malog polja na Igmanu. Našu akciju su podržali i bh. sportisti, olimpijac Nedžad Husić i Mirza Nikolajev, stipendista ZOI Peking 2022, koji su se pridružili vrijednim volonterima na Trebeviću. Video ovogodišnje akcije pogledajte [ovdje](#), a o samom projektu pročitajte više na ovom [linku](#).

OK BiH SPECIJALNI PARTNER | XIV SARAJEVO POLUMARATON 2021

I ove godine smo kao specijalni partner podržali XIV Sarajevo polumaraton u okviru kojeg se uspješno održalo Državno prvenstvo Bosne i Hercegovine u polumaratonu kao ključni godišnji sportski događaj za državne atletičare koji su učešćem u ovoj trci imali priliku testirati i okruniti vlastite napore uložene u aktivno bavljenje sportom. Run Fest, u okviru kojeg se održava Sarajevo polumaraton je pozitivno mjesto susreta i zabave svih generacija spojenih sportom kao univerzalnim jezikom kojim svi istovremeno promovišu zdrav i aktivan način života brišući dobne, spolne i druge podjele. Na ovogodišnjem polumaratonu učestvovalo je ukupno 1191 učesnik.



AKTUELNOSTI & PREDSTOJEĆA TAKMIČENJA

AKTUELNOSTI IZ OLIMPIJSKOG POKRETA

Međunarodni olimpijski komitet je objavio „Dokument o stavu“, a koji se tiče uloga Nacionalnih olimpijskih komiteta u pogledu organizacije Olimpijskih igara. U nastavku izdvajamo sljedeće informacije iz navedenog dokumenta:

1. Olimpijske igre

- *Olimpijske igre, u kojima učestvuju timovi 206 Nacionalnih olimpijskih komiteta i MOK-ov tim izbjeglica, su najmoćniji svjetski simbol jedinstva. One šalju snažnu poruku raznolikosti, inkluzije i borbe protiv diskriminacije dok se sportisti bez obzira na rasu, religiju, etničnost i kulturu natječu i u izvjesnom periodu provode zajedno harmoničan život u Olimpijskom selu.*
- *Države ne učestvuju na Olimpijskim igrama, već sportisti iz 206 NOK-ova koji podržavaju misiju Olimpijskih igara, a to je ujedinjenje svijeta kroz sportska takmičenja, koja se odvijaju pod okriljem mira.*
- *Borba protiv diskriminacije je osnov Olimpijskih igara još od vremena osnivača MOK-a, Pierre de Coubertin-a, koji je poručio: “Nećemo postići mir dok ne prevaziđemo predrasude koje razdvajaju ljude na osnovu rase. Da li postoji bolji način da postignemo ovaj cilj od periodičnog okupljanja mladih iz svih država svijeta, koji bi se okušali u snazi i agilnosti tokom prijateljskih natjecanja?”*
- *Olimpijske igre podižu mostove, a ne zidove. U našem krhkom svijetu, Olimpijske igre imaju moć da okupe cijeli svijet, unatoč postojećim različitostima, i upravo ovo nam daje nadu za bolju budućnosti.*
- *Misija MOK-a: ujedinjenje svijeta kroz organizaciju takmičenja koja se odvijaju pod okriljem mira, i podsticanje atmosfere mira, razvoja, otpornosti, tolerancije i razumijevanja.*
- *Da bi MOK postigao ovu misiju, MOK i Olimpijski pokret moraju ostati neutralni i apolitični.*

2. Koje su odgovornosti i ovlasti MOK-a i Olimpijskog pokreta?

- *MOK-ove ovlasti i obaveze pokrivaju održavanje Olimpijskih igara i njihovu redovnu proslavu, a sve prema Olimpijskoj povelji i MOK-ovim Etičkim kodeksom.*
- *MOK upravlja Olimpijskim igrama, a ne zemlja koja je domaćin Igara.*
- *MOK zahtjeva od domaćina Igara potpuno poštovanje Olimpijske povelje i Ugovora za organizaciju Igara u svim aktivnostima koje se odnose na organizaciju Olimpijskih igara.*



FOTO: ©IOC

- *Van svojih ovlasti MOK ne snosi odgovornost niti posjeduje mogućnosti izmjene Zakona ili političkog sistema jedne države.*
- *MOK poziva NOK-ove da učestvuju na Igrama – pozive ne dostavljaju vladajuće strukture zemlje domaćina (Predsjednik države domaćina može izreći samo jednu rečenicu, kako je definisano u Olimpijskoj povelji, tokom zvaničnog otvaranja Igara. Političarima nije dozvoljeno da imaju bilo kakvu ulogu u Olimpijskim igrama, pa čak ni tokom ceremonije dodjele medalja).*

3. Da li MOK plaća državama ili gradovima organizaciju olimpijskih i paraolimpijskih igara?

- *MOK ne daje novac vladinim institucijama, već isključivo organizacionim komitetima olimpijskih i paraolimpijskih igara (uključujući bilo kakve prihode prikupljene od sponzorstva ili prava prenosa), i pomaže organizacionim komitetima na mnoge druge načine, uključujući transfer znanja i menadžmenta televizijskog i radio prenosa zemlje domaćina. Omogućava organizaciju i finansiranje paraolimpijskih igara. U skladu sa Ugovorom za organizaciju Igara, MOK zahtjeva da svi organizacioni komiteti dostave godišnje finansijske izvještaje ovjerene od strane neovisne revizorske firme.*
- *MOK daje znatan doprinos uspjehu svake edicije olimpijskih i paraolimpijskih igara:*
 - *Tokyo 2020 – 1.7 milijardi USD*
 - *Peking 2022 – 880 miliona USD*
 - *Pariz 2024 – 1.7 milijardi USD*
 - *Milano Cortina 2026 – 925 miliona USD*
 - *Los Angeles 2028 – 1.8 milijardi USD*
 - *Za organizaciju Omladinskih olimpijskih igara, MOK također nudi finansijsku podršku organizacionim komitetima. Za OOI koje će se održati u Dakaru, Senegal 2026 MOK će izdvojiti 90 miliona USD.*
- *90% MOK-ovih prihoda se distribuira u globalni Olimpijski pokret. Ovo znači da se za Olimpijski pokret na dnevnoj bazi distribuira 3.4 miliona USD.*
- *Sva finansijska podrška koja se generira programom globalnih Olimpijskih sponzora se direktno ili indirektno usmjerava za dobrobit olimpijskih i paraolimpijskih sportista, i budućih sportskih nada. Sva sredstva dobivena od sponzora se isključivo koriste za organizaciju Igara i podršku sportista diljem svijeta u vidu proizvoda, usluga, tehnologije, stručnosti ili osoblja, ili pak finansiranjem organizacija koje podržavaju sportiste i njihove aktivnosti.*
- *Prihodi MOK-a, prikupljeni iz programa globalnog sponzorstva i prava globalne*



TV i radio pokrivenosti, MOK direktno distribuira raznim sportskim organizacijama koje su članice Olimpijskog pokreta, kao i kroz razne aktivnosti MOK-a, projekte i programe koji su fokusirani na organizaciju Igara i promociju razvoja sporta i Olimpijskog pokreta diljem svijeta.

Foto: © IOC / Greg Martin

4. Koje promjene je MOK uveo kroz Olimpijsku agendu 2020 u svom pristupu poštivanja ljudskih i drugih prava u slučaju dodijele organizacije Igara?

- *MOK-ove obaveze u osiguranju poštivanja ljudskih prava u procesu apliciranja za organizaciju Olimpijskih igara su ostale nepromijenjene.*
- *Po pitanju ljudskih prava u organizaciji Igara, MOK je pooštrio svoje zahtjeve u Upitniku za buduće domaćine Igara. Potencijalni domaćini su, u ciklusu Igara, obavezni navesti na koji način će prepoznati i pristupiti aktivnostima koje loše utiču na sprovođenje ljudskih prava, u skladu sa međunarodnim standardima, uključujući i UN Vodeća načela o poslovanju i ljudskim pravima. Neovisna provjera poštivanja ljudskih prava potencijalnog domaćina je dio MOK-ove procedure o čemu se obavještava i komisija za buduće domaćine Igara.*
- *Novi pristup izbora domaćina uključuje i kontekst razvoja poštivanja ljudskih prava jednog grada ili države, što se mjeri kroz indikatore uspješnosti razvoja, uz druge aspekte geopolitičke, ekonomske, sportske i održive perspektive.*
- *Od 2017. godine, sa ciljem realizacije Olimpijske agende 2020, MOK je usvojio niz procedura kako bi osigurao da aktivnosti vezane za organizaciju Igara minimiziraju negativan uticaj a maksimiziraju pozitivan uticaj, kako bi osigurali da poštivanje ljudskih prava postane važna dimenzija uspjeha Igara. Ovo će se primjenjivati od OI Pariz 2024 pa nadalje.*
- *Poštivanje ljudskih prava je komplementarno sa nizom ključnih principa u organizaciji Igara, kao što je samoodrživost, dobro upravljanje, inkluzivne prakse, odgovornost i transparentnost. Ovo je usko vezano za druga područja organizacije, kao što su borilišta, upravljanje ljudskim resursima, zdravlje i bezbjednost, samoodrživost i naslijeđe.*



ZIMSKE OLIMPIJSKE IGRE • PEKING 2022

OLIMPIJSKI PLAMEN ZVANIČNO PROSLIJEĐEN ORGANIZACIONOM ODBORU



FOTO: ©IOC / Milos Bicanski

Olimpijski plamen zvanično je prosljeđen Organizacionom odboru Pekinga za Zimske olimpijske i paraolimpijske igre Peking 2022 (BOCOG), 19. oktobra na posebnoj svečanosti na istorijskom stadionu Panathenaic u Atini (Grčka), a 20. oktobra olimpijski plamen je stigao u Kinu, čime je Peking postao prvi grad koji je domaćin ljetnih i zimskih Olimpijskih igara.

YU Zaigang, potpredsjednik BOCOG-a i Kineskog olimpijskog komiteta, primio je plamen u ime Organizacionog odbora Pekinga za Zimske olimpijske i paraolimpijske igre Peking 2022 od predsjednika Olimpijskog komiteta Grčke i člana Međunarodnog olimpijskog komiteta Spyrosa Capralos-a. Zimske olimpijske igre će se održati 04.02. do 20.02.2022. godine u glavnom gradu Kine. Na Igrama se očekuje učešće 2.892 sportista iz cijelog svijeta. Nakon OI Tokyo 2020 ovo su druge Olimpijske igre koje će se održavati u uslovima pandemije. Pročitajte više na [ovom linku](#).

ZIMSKI EYOF • VOKATI 2022

PREDSTAVLJEN OFICIJELNI MUZIČKI VIDEO PREDSTOJEĆEG FESTIVALA

U septembru mjesecu je objavljena zvanična tematska pjesma EYOF Vokati naziva "Long in to the Night". Spot se može pogledati na Youtube kanalu "EYOF 2022 Vuokatti", kao i na profilima EYOF 2022 Vokati Spotify i iTunes.

Svrha muzičkog spota je da prenese poruku događaja „Mladi su budućnost“. Istovremeno, navija za buduću multisportski EYOF događaj kreiran za najbolje mlade sportiste Evrope. Poruka pjesme je jasna: uvijek vjerujte u sebe i svoje snove. Pored toga, pjesma podstiče na djelovanje u duhu olimpijskih vrijednosti kao i na njegovanje vrijednosti prijateljstva, fer-pleja i tolerancije. Muzički video pogledajte klikom na fotografiju ili na [ovom linku](#).



Izvor tekst i foto: www.eyof2022.fi

LJETNI EYOF • BANSKA BISTRICA 2022

NEDŽAD HUSIĆ | MLADI AMBASADOR BIH ZA LJETNI EYOF BANSKA BISTRICA



Naš najbolje rangirani olimpijac, Nedžad Husić, na prijedlog OK BiH izabran je za Program Evropskog omladinskog olimpijskog ambasadora (EYOA) koji ima za cilj jačanje olimpijskih vrijednosti među mladim sportistima koji učestvuju na Evropskom olimpijskom festivalu mladih (EYOF). Program EYOA ulaže u grupu mladih ljudi koji su inspirisani sportom i olimpijskim vrijednostima i koji žele da doprinesu izgradnji jake osnove zasnovane na vrijednostima za međunarodnu sportsku zajednicu.

Ove godine EYOA će okupiti 50 mladih ljudi koji dijele istu strast, energiju, motivaciju i koji nastoje inspirirati mlade sportiste da slijede olimpijske vrijednosti na terenu i van njega. Na sastanku EYOA – EYOF 2022 Banska Bistrica, naš Nedžad se upoznao sa zadacima, ulogama i odgovornostima mladog evropskog olimpijskog ambasadora.

EVROPSKE IGRE • KRAKOV-MALOPOLSKA 2023

EVROPSKA TIMSKA TAKMIČENJA IZ ATLETIKE UVRŠTENNA NA PROGRAM IGARA

Evropski olimpijski komiteti (EOK) sa zadovoljstvom su objavili vijest o uvrštavanju Evropskih timskih takmičenja iz atletike na program Evropskih igara Krakov – Malopolska 2023.

Shodno dogovoru EOK-a i Evropskog atletskog saveza, takmičenja će se uzastopno održavati na Slaski stadionu u regiji Silesia u Poljskoj, što će omogućiti da se na jednom mjestu na Igrama okupe najbolji atletski timovi Evrope.



Evropske igre su višesportsko takmičenje koje okuplja vrhunske sportiste sa evropskog kontinenta i koja se održavaju svake 4 godine.

Drugi sportovi koji su na programu Evropskih igara 2023 su košarka 3×3, streličarstvo, badminton, rukomet na plaži, nogomet na plaži, boks, sportski ples, kanu, biciklizam, mačevanje, judo, karate, moderni petoboj, badminton, tajlandski boks, kik-boks, padel, streljaštvo, skijaški skokovi, sportsko penjanje, stoni tenis, taekwondo, teqball i triatlon.

LJETNE OLIMPIJSKE IGRE • PARIZ 2024

OBILJEŽENO 1000 DANA DO OLIMPIJSKIH IGARA PARIS 2024

Paris 2024 organizovao je masovni događaj „Marathon Pour Tous“ kojim je proslavio 1000 dana do 33. Olimpijskih igara u Parizu. Više od 3.600 trkača, članova kluba Paris 2024 i Orange Running tima, okupilo se na Jelisejskim poljima kako bi se takmičili protiv najboljeg maratonca na svetu Eliuda Kipčogea.



Ovaj događaj je dao javnosti predukus „Marathon Pour Tous“, masovnog trčanja, što će biti prva trka u istoriji Olimpijskih igara koja će biti otvorena za širu javnost. Trka će se održati 2024. istog dana i na istoj stazi kao i mitska olimpijska maratonska trka. Ukupno, 1.000 trkača je uspešno završilo izazov prelaska ciljne linije prije legendarnog maratonca kako bi obezbijedili svoje mjesto za „Marathon Pour Tous“, masovno trčanje 2024. godine.

Pored tradicionalne trke na 42 km za najotpornije trkače, tog dana će biti organizovana i trka na 10 km, koja će jedinstveni događaj učiniti dostupnijim većem broju ljudi.

Izvor tekst i foto: [Paris2024.org](https://paris2024.org)


MEDITERANSKE IGRE NA PIJESKU 2032

GRAD HERAKLION ĆE BITI DOMAĆIN NAREDNIH MEDITERANSKIH IGARA NA PIJESKU

Generalna skupština ICMG-a jednoglasno je odlučila da će Heraklion biti grad domaćin Mediteranskih igara na pijesku 2023. Tokom Generalne skupštine grad Heraklion predstavio je kandidaturu za domaćinstvo Mediteranskih igara na pijesku i članovi Generalne skupštine ICMG-a su je jednoglasno odobrili.

Vidimo se u Heraklionu 2023. godine!

Foto: www.cijm.org.gr



SPORTSKI STRUKOVNI SAVEZI BIH

KARATE SAVEZ BOSNE I HERCEGOVINE DELEGACIJA KARATE SAVEZA U POSJETI OK BIH



U radnoj posjeti Olimpijskom komitetu Bosne i Hercegovine boravili su predstavnici Karate saveza BiH - predsjednik Mujo Gec, te sportisti Nejra Sipović, Rijad Džuho, Anes Bostandžić i treneri Asmer Šeta i Zijad Sipović. Domaćini, predsjednik OK BiH Marijan Kvesić, potpredsjednici OK BiH prof.dr Milanko Mučibabić i prof.dr Izet Rađo i generalni sekretar OK BiH dr sci. Said Fazlagić čestitali su našim reprezentativcima na izvrsnim rezultatima ostvarenim na 48. Evropskom prvenstvu za kadete, juniore i U21, koje je održano u Tampereu/Finska.



Za vrijeme sastanka se razgovaralo o stanju u karate sportu na svjetskom i državnom nivou, te o statusu karate sporta na višesportskim takmičenjima u organizaciji Međunarodnog olimpijskog komiteta, Evropskog olimpijskog komiteta i Međunarodnog mediteranskih igara.

Čelnici OK BiH su iskoristili priliku da sportistima požele mnogo sreće na takmičenjima koja ih očekuju u narednom periodu.

GOLF SAVEZ BOSNE I HERCEGOVINE TEHNIČKI KURS ZA TRENERE GOLFA

U oktobru je po prvi put u Bosni i Hercegovini održan tehnički kurs za trenere golfa.

Seminar je organizovan pod pokroviteljstvom Međunarodnog olimpijskog komiteta – Olimpijske solidarnosti, uz svesrdnu pomoć i posredstvo Olimpijskog komiteta BiH. U realizaciju tehničkih kurseva uključene su i međunarodne federacije, odnosno Svjetska golf federacija i Evropska golf asocijacija. Polaznici koji su uspješno završili kurs moći će raditi u bilo kojoj državi u svijetu kao instruktori golfa - nivo I.



Međunarodni ekspert bio je jedan od najobrazovanijih golf trenera u svijetu, Uroš Gregorić koji svoje znanje redovno usavršava u Americi pod mentorstvom najboljih golf učitelja i trenera.

TENISKI SAVEZ BOSNE I HERCEGOVINE VANJA STUHLI USPJEŠNO ZAVRŠILA ITF KURS NIVO 3 I TIME POSTALA DRUGI TRENER U ISTORIJI BIH SA OVOM LICENCOM I PRVA ŽENA TRENER U BIH

Vanja Stuhli je konstantno napredovanje u trenerskom pozivu prošlog mjeseca podigla za stepenicu više, jer je uspješno završila ITF (Internacionalna teniska federacija), najviši kurs za trenere.

Kurs je trajao šest sedmica od čega su polaznici pet sedmica pratili teoriju putem Zoom komunikacije, a zatim su treneri dvije sedmice polagali praktični rad u Valenciji pod vodstvom prestižnih tutora ITF-a profesora Miguela Crespa te profesora Rafaela Martinezza.



Kurs se sastojao iz pet modula koje su treneri polagali i to: taktika, biomehanika, psihologija, kondicija, razvoj i planiranje. Vanja Stuhli je uspješno položila svih pet modula, te dva praktična ispita i postala drugi trener u Bosni i Hercegovini koji ima završen ITF trenerski nivo 3. Stuhli ističe da je jako ponosna i sretna svaki put kad ima priliku stručno se usavršavati i smatra da svako trenersko napredovanje zapravo ima pozitivan uticaj na razvoj igrača i tenisa u Bosni i Hercegovini.

Vanja je uputila zahvalu Olimpijskom komitetu BiH, Olimpijskoj solidarnosti te Teniskom savezu BiH na ukazanoj prilici i podršci.

DŽUDO SAVEZ BOSNE I HERCEGOVINE ORGANIZACIJA MEĐUNARODNIH TAKMIČENJA



Džudo savez Bosne i Hercegovine je u septembru i oktobru mjesecu bio domaćin dva međunarodna takmičenja. 18. i 19.09. u sportskoj areni hotela Hils na Ilidži održan je Evropa Judo Open Sarajevo 2021. Ovaj međunarodni sportski događaj svečano je otvorio sportski direktor Evropske judo unije Blach Wicislaw, a prisutnim se obratio i ministar Kulture i sporta Kantona Sarajevo, gosp. Samir Avdić kao i predsjednik Džudo saveza BiH, prof. dr Branislav Crnogorac. Ispred Olimpijskog komiteta Bosne i Hercegovine prisustvovao je potpredsjednik OK BiH, prof. dr Milanko Mučibabić.

Na takmičenju su učestvovali seniori 29 zemalja (305 takmičara, od kojih 196 muškaraca i 109 žena), a Bosna i Hercegovina je imala 12 predstavnika.

Krajem oktobra mjeseca održan je tradicionalni međunarodni turnir za djecu i kadete BIH & NIPPON. Uz brojne zvanice, svečanom otvaranju prisustvovao je i potpredsjednik OK BiH, prof. dr Milanko Mučibabić koji je tokom takmičenja, dodijelio i medalje u jednoj od kategorija. Takmičenja su održana uz primjenu svih epidemioloških mjera.

Podsjećamo da je Džudo savez BiH u junu mjesecu bio domaćin Evropskog judo kupa, a za narednu godinu, Internacionalna i Evropska judo unija našem Savezu su povjerile domaćinstvo Svjetskog prvenstva za kadete i Evropskog prvenstva za seniore do 23 godine. Čestitke Džudo savezu BiH!



SAVEZ DIZAČA TEGOVA BOSNE I HERCEGOVINE ODRŽAN DEVETI PO REDU SEMINAR OLIMPIJSKOG DIZANJA TEGOVA

U Sarajevu je održan deveti po redu seminar Olimpijskog dizanja tegova, takmičarski i sudijski sa posebnom pažnjom na Antidoping.

Prva tema je bila mr.sci. Nedima Mašića: New system of Competition in Virus dangerous situation for referees and for coaches - novi sistem takmičenja u uvjetima pandemije. Zatim, prof. dr Mensur Vrcić je imao temu "Značaj selekcije za razvoj vrhunskog sporta" (The importance of selection for the development of top sports). Nakon toga je, mr.sci. Nedim MAŠIĆ realizovao kurs za sudije. Naredni dan mr. Mageed Salama, IWF Expert, je imao odlično predavanje: „How make competition in Crisis situation“, koje je održano u online formatu.



Različitim segmentima Seminara prisustvovala su 63 stranca i dvadesetak građana BiH, podijeljeni u grupe manje od 50 ljudi zbog COVID-19 restrikcija.

MEĐUNARODNA I DRŽAVNA TAKMIČENJA U DIZANJU TEGOVA



U sportskoj sali hotela Malak Regency, održan je 45. po redu Internacionalni Open Bosnia Cup, kao i 7. River SAVA Kup – Int Memorial Muhamed RAMIĆ i Sarajevo Open – Int Memorial Andrija Maleč uz učešće rekordnih 53 takmičara iz 9 država (to je i maksimum takmičara za jednodnevne turnire).

Turnir je održan uz sve mjere opreza i zaštite od COVID-19. To je bilo prvo takmičenje pod „standardnim uvjetima“ nakon 2 godine u BiH. Na turniru su učestvovali i osvajači medalja sa svjetskih, europskih i azijskih prvenstava i takmičari i timovi sa 2 kontinenta.

Pojedinačno naši takmičari koji su osvojili medalje su sljedeći:

- Za Open Bosnia Kup: Nejla Kalača, Benjamin Druškić i Ermin Jusufović
- Za River SAVA Kup – Memorial Muhamed RAMIĆ: Emin Medošević, Suljo Ramić, Edin Kalača, Belmin Kalača, Amar Pašić, Faris Durak, Alija Mašić
- Za Sarajevo Open – Memorial Andrija Maleč: Melisa Bečarević i Iris Pašić

U sarajevskoj Zetri su u subotu 23.10.2021. godine održana 3 Državna prvenstva (Superkadetsko (U12 i U15), kadetsko, juniorsko, mladeseniorsko i veteransko prvenstvo BiH, Studentsko prvenstvo, Prvenstvo za osobe sa invaliditetom), 3 Federalna prvenstva i 3 Kantonalna prvenstva Kantona Sarajevo u Olimpijskom dizanju tegova.

Detaljne rezultate možete naći na web stranici Saveza dizača tegova BiH na [ovom linku](#).

PROMOCIJA ČETVORTE KNJIGE KEMALA HOŠE




Promocija četvorte knjige Kemala Hoše „Priča o dizanju tegova u Jugoslaviji 1948-1992“ održana je u Centru za mlade na Grbavici u ponedjeljak, 25.10. 2021. godine, u organizaciji KOSC IsANEH.

Broj prisutnih je bio ograničen zbog COVID-19 propisa. Promociju je otvorila predsjednica KOSC IsANEH, Enisa Mašić, dajući osnovne podatke o knjizi i autoru.

Nakon toga su promotori mr.sci. Nedim Mašić, generalni sekretar Saveza dizača tegova BiH i Namik Omerović, selektor, dali svoje viđenje knjige gospodina Kemala Hoše, dugogodišnjeg takmičara, trenera i sportskog radnika.

U knjizi se na preko 900 strana daje jedan Almanah dizanja tegova sa preciznim podacima o svemu. Nakon toga je Kemal Hošo predstavio samu knjigu. Promociji su prisustvovala renomirane sportske ličnosti iz Sarajeva i BiH.



CHEERLEADING SAVEZ BOSNE I HERCEGOVINE

U ŠIROKOM BRIJEGU ODRŽAN DVODNEVNI CHEERLEADING KAMP



Petu godinu zaredom održava se dvodnevni Cheerleading kamp na kojem sudjeluju cheerleading sportaši iz cijele Bosne i Hercegovine. Kamp je pod pokroviteljstvom Grada Širokog Brijega održan u Srednjoj strukovnoj školi u Širokom Brijegu. Ove godine treneri na kampu su bili iz Top Stars Umag.

Na kampu je sudjelovalo 105 sportaša koji su vježbali gimnastičke elemente, cheerleading dizanja, skokove itd. Najmlađa polaznica kampa ima čak dvije i pol godine, a najstarija preko 30.

Drugi dan na kampu sudjelovali su i sportaši s posebnim potrebama, a na kraju drugog dana održano je natjecanje u kojem su najbolji polaznici kampa osvojili poklon pakete.

STRELJAČKI SAVEZ BOSNE I HERCEGOVINE STRELJAČKOM SAVEZU URUČENO PRIZNANJE ZA RAZVOJ STRELJAČKOG SPORTA



Na XVII Generalnoj skupštini Europske streljačke federacije (ESC), koja je održana na Kipru u Laranki u periodu od 21.10 - 23.10.2021. Streljačkom savezu Bosne i Hercegovine (SSBiH) uručeno je priznanje za doprinos u razvoju streljaštva.

Ovo visoko priznanje uručio je odlazeći predsjednik ESC-a gospodin Lisin, a primio ga je predsjednik Streljačkog saveza Bosne i Hercegovine gospodin Momčilo Bodiroga.

Na Generalnoj skupštini ESC-a izabran je i novi predsjednik, gospodin Alexander Ratner.

Gospodin Ratner je dokazani prijatelj Streljačkog saveza Bosne i Hercegovine te je kroz posljednjih sedam godina pružao svesrdnu podršku Streljačkom savezu BiH sa pozicije generalnog sekretara Međunarodnog streljačkog sportskog saveza (ISSF).



VII MEĐUNARODNO TAKMIČENJE U STRELJAŠTVU „IŠTVAN POLJANAC“

Od 08. do 12. oktobra 2021. u Beogradu je održano VII Međunarodno takmičenje u streljaštvu „Ištvan Poljanac“, na kojem su učestvovali strijelci iz Armenije, Bosne i Hercegovine, Bugarske, Hrvatske, El Salvadora, Georgije, Mađarske, Sjeverne Makedonije i domaćina Srbije.

BIH strijelac Matej Rašić je, na prvom danu takmičenja, osvojio 1. mjesto u disciplini zračna puška 10m u kategoriji juniora te ujedno uspostavio novi državni rekord za juniore sa pogođenih 623 kruga. Istog dana u kategoriji seniora osvojio je drugo mjesto.



Drugog dana takmičenja Rašić je u kvalifikacijama uspostavio novi juniorski državni rekord osvojivši 1. mjesto rezultatom od 247,5 kruga. Bilten dostupan na [ovom linku](#).

BH • TEAM

SJEDEĆA ODBOJKA | **REPRESENTACIJA BOSNE I HERCEGOVINE OSVOJILA BRONZANU** **MEDALJU NA PARAOLIMPIJSKIM IGRAMA TOKIO 2020**



FOTO: sportsport.ba

Reprezentacija BiH u sjedećoj odbojci na Paraolimpijskim igrama u Tokiju osvojila je bronзанu medalju, savladavši reprezentaciju Brazila 3:1. Sa šest nastupa na Paraolimpijskim igrama reprezentacija BiH ima isto toliko medalja.

Bravo i čestitamo našim momcima i Paraolimpijskom komitetu BiH!

Selekciju BiH u Tokiju činili su Sabahudin Delalić, Dževad Hamzić, Ismet Godinjak, Ermin Jusufović, Adnan Manko, Adnan Kešmer, Asim Medić, Nizam Čančar, Stevan Crnobrnja, Jasmin Brkić, Safet Alibašić i Mirzet Duran.

SJEDEĆA ODBOJKA | ZLATNI MOMCI NA KROVU EVROPE

Reprezentacija Bosne i Hercegovine u sjedećoj odbojci igrala je svoje 11. po redu finale Evropskog prvenstva i postala novi prvak Evrope po 10. jubilarni put.

Naši zlatni momci su u finalu pobedili reprezentaciju Rusije 3:0 u setovima (25:17, 28:26 i 27:25).

Čestitke našim momcima!



PLIVANJE | LANA PUDAR BRONZANA NA SVJETSKOM KUPU



Lana Pudar je na Svjetskom kupu u Kazanu u disciplini 100m delfin sa vremenom 57.39 osvojila bronzanu medalju. Ovo je ujedno i prva medalja u historiji Bosne i Hercegovine na Svjetskom kupu.

Osim 100m delfin naša Lana Pudar je na Svjetskom kupu u Kazanu na utrci 200m delfin osvojila četvrto mjesto sa vremenom 2:08.21. U disciplini 50m delfin je osvojila šesto mjesto sa vremenom 26.09 što je novi državni rekord.

BICIKLIZAM | SJAJAN ZAVRŠETAK SEZONE ZA NAJBOLJU BIH BICIKLISTKINJU LEJLU TANOVIĆ

Lejla Tanović je u ovoj sezoni imala šest pobjeda na UCI takmičenjima i osam osvojenih odličja. Trenutno je osma na UCI rang listi.

U ovoj sezoni ostvarila je sljedeće rezultate:

- 8. mjesto na Svjetskoj biciklističkoj ranking listi
- 2. mjesto na Svjetskom kupu Roc d'Azur, Francuska
- 2. mjesto na Svjetskom kupu La Forestiere, Francuska
- 11. mjesto na Evropskom prvenstvu, Švicarska
- 15. mjesto na Svjetskom prvenstvu, Italija
- Pobjeda na UCI C1 utrci, Rumunija
- Pobjeda na UCI C1 utrci, Češka
- Pobjeda na UCI C2 utrci, Mađarska
- Pobjeda na UCI C2 utrci, Bosna i Hercegovina
- 6. mjesto na UCI HC utrci, Italija

Ovo je do sada najuspješnija sezona najbolje bh. biciklistkinje.



TAEKWONDO | NEDŽAD HUSIĆ I ADA AVDAGIĆ



Olimpijac Nedžad Husić je u proteklom periodu nastupao na dva prestižna G1 turnira, osvojivši dvije medalje. Na prvom turniru G1 Albania Open osvojio je zlatnu medalju, a na G1 Montenegro Open turniru osvojio je srebrnu medalju.

Mlada olimpijska nada i stipendista OK BiH Ada Avdagić osvojila je zlatnu medalju na turnir E1/G1 ranga "Montenegro Podgorica Open 2021" u kategoriji juniorki do 46 kg. Zlato je osvojila i na međunarodnom prestižnom taekwondo turniru E1/G1 "Dutch Taekwondo Open 2021" održanom Eindhovenu, Holandija, kao i na E1 Polish Open.

JUDO | TONI MILETIĆ BRONZANI NA EVROPA KUPU ZA SENIORE

Bosanskohercegovački džudista Toni Miletić na Europa kupu za seniore u Dubrovniku osvojio je bronzanu medalju.

U sastavu džudo tima nastupila je i Aleksandra Samardžić koja je zauzela peto mjesto u njevoj težinskoj kategoriji do 70 kg.

U Dubrovniku je nastupalo više od 270 džudista iz 30 zemalja Evrope. Mladi reprezentativci Anđela Samardžić i Saša Bjelica na ovom, za njih još uvijek jakom natjecanju stjecali su potrebno iskustvo, priopćili su iz Džudo saveza BiH.



Također treba spomenuti da su u Dubrovniku na međunarodnom studijskom seminaru-ispitu, s uspjehom položili Admir Vražalica i Mladen Vuković, koji su stekli zvanje internacionalnog- kontinentalnog suca.

Uz reprezentativce BiH i sudije bili su predsjednik Saveza i trener prof. dr Branislav Crnogorac te asistent Arijana Jaha.

TENIS | DEA HERDŽELAŠ OSVOJILA ITF TURNIR U LIMI



Najbolja bh. teniserka Dea Herdželaš osvojila ITF turnir u Limi i došla do najboljeg plasmana na WTA listi u karijeri. Herdželaš je u glavnom gradu Perua u finalu za titulu pobijedila njemicu Katharinu Gerlach.

Dea Herdželaš je ostvarila napredak od čak 40 mjesta, te je sa 329. stigla do 289. mjesta na WTA listi što joj je prvi put u karijeri da se našla među 300 najboljih teniserki svijeta.

TENIS | MARKO MAKSIMOVIĆ OSVOJIO MONTE-CARLO MASTERS

Marko Maksimović je postao prvi teniser iz Bosne i Hercegovine koji je osvojio Evropsku juniorsku Masters titulu u Monte Carlu nakon što je pobijedio slovaku Michala Krajci-a rezultatom 7-5 u I, a 6-3 u II setu.



TRIATLON | MUSTAFA JAMAK, MLADA NADA BIH TRIATLONA



Mladi triatlonac iz Sarajeva, petnaestogodišnji Mustafa Jamak, osvojio je treće mjesto na Balkanskom triatlon prvenstvu "Vlasina Lake" 2021, u kategoriji omladinaca (Youth Male).

Mustafi je ovo još jedno u nizu pobjedničkih postolja, među kojima je osvajanje bronze na utrci Evropskog juniorskog kupa u Ohridu kada se upisao kao jedini bh. triatlonac koji je osvojio medalju na nekoj utrci Evropske triatlonske federacije (ETU).

Takođe, izdvaja se i pobjeda utrke u Linzu (Austrija), kao i drugo mjesto na otvorenom prvenstvu Austrije u Traunu, u konkurenciji Schuler A koje je održano početkom avgusta. Krajem septembra, nastupio je u Alanji, na Evropskom omladinskom triatlon festivalu zauzevši 20. mjesto u kvalifikacijama.

Foto: Instagram [mj.triathlete](https://www.instagram.com/mj.triathlete)

ATLETIKA | AMEL TUKA 7. MJESTO U FINALU DIJAMANTSKE LIGE



Naš olimpijac Amel Tuka je 09.09. u finalu Dijamantske lige istrčao vrijeme 1:46.19 i osvojio 7. mjesto u konkurenciji najboljih 8 atletičara koji su se takmičili u disciplini 800m.

Najbolji rezultat ove sezone Amel je istrčao na Olimpijskim igrama u Tokiju (1:44.53).

AMEL TUKA | KANDIDATURA ZA KOMISIJU SPORTISTA EOK-a

U Dubrovniku je 01. do 02. oktobra održana 6. Sjednica skupštine Sportista Evrope na kojoj su učestvovali predstavnici OK BiH, odnosno predsjednik Komisije olimpijaca OK BiH, naš olimpijac Amel Tuka.

Skupštinu je otvorio Predsjednik Evropskog olimpijskog komiteta Spiros Kapralos zajedno sa Predsjednikom komisije olimpijaca EOK-a Gedom Kanterom i Predsjednikom HOO Zlatkom Matešom. Pored nedavno završenih Olimpijskih igara Tokyo 2020 na agendi je bio i izbor nove Komisije sportista EOK-a. Bosna i Hercegovina, odnosno OK BiH po prvi put su imale svog kandidata za ovu prestižnu Komisiju, a to je upravo atletičar i predsjednik Komisije olimpijaca BiH Amel Tuka. Tokom glasanja koje je održano drugi dan Skupštine, našem olimpijcu su nedostajala samo 4 boda da bude uzabran u sastav Komisije za naredni mandat.



KLIZANJE | KLIZAČKI PAR MITROFANOVA I KASINSKIJ ISPUNILI NORMU ZA EVROPSKO PRVENSTVO



Seniorski reprezentativci Bosne i Hercegovine, plesni klizački par, Ekatarina Mitrofanova i Vladislav Kasinskij, nastupili su na međunarodnom takmičenju "ICE STAR 2021" koji je održan od 13. do 17.10. u Minsku (Bjelorusija). Naši reprezentativci su imali odličan nastup, gdje su u kratkom i slobodnom programu ispunili normu za nastup na Evropskom prvenstvu, koji se održava od 12. do 16.01. 2022. godine u Talinu, a osvojeni bodovi predstavljaju novi državni rekord.

U svom narednom nastupu, u Dortmundu, naš plesni par će se pokušati kvalifikovati na Svjetsko prvenstvo. Njihov prethodni rezultat daje im realne šanse da će to i uspjeti, a već izboreno učešće na Evropskom prvenstvu sigurno predstavlja istorijski uspjeh za našu zemlju koja će jedina u regiji imati plesni par na ovom takmičenju. Savez klizačkih sportova Bosne i Hercegovine od Katarine i Vladislava u narednom periodu očekuje još bolje rezultate, kao i nastupe na svim najznačajnijim svjetskim i evropskim takmičenjima.

KLIZANJE | NASTUP BRZOKLIZAČA NA MEĐUNARODNOM TAKMIČENJU "Alpe Adria Trophy"

Na međunarodnom takmičenju u brzom klizanju "Alpe Adria Trophy", koje je održano u Zagrebu 16. i 17. ovog mjeseca, uz podršku Saveza klizačkih sportova Bosne i Hercegovine, u kategoriji Juniori B, nastupila su naša dva brzoklizača, Ermin Raščić i Ilian Krstić.



U konkurenciji 82 takmičara iz 7 zemalja (Hrvatska, Slovenija, Srbija, Austrija, Slovačka, Mađarska i BiH), naši predstavnici imali su uspješan nastup. U ukupnom plasmanu Ermin Raščić je zauzeo 4. mjesto, a Ilian Krstić bio je peti. Obojica su popravili lične rekorde u svim disciplinama.

Ermin Raščić je na 500 m imao izvanredan nastup (49,017s) i sa tim vremenom ispunio je normu definisanu pravilima Međunarodne klizačke unije (ISU) i Pravilnikom Saveza klizačkih sportova Bosne i Hercegovine, te se na taj način kvalifikovao za nastup na juniorskom Svjetskom prvenstvu, koje će se održati u martu 2022. godine u Poljskoj.

"Postavljeni cilj na ovom međunarodnom takmičenju smo ispunili, dobili smo novu nadu brzog klizanja u BiH, koji će našu zemlju u narednim godinama, nadamo se, sa uspjehom predstavljati u svijetu", saopštili su iz Saveza klizačkih sportova BiH.

BOĆANJE | BRONZANA MEDALJA ZA BIH NA SVJETSKOM PRVENSTVU



Reprezentacija Bosne i Hercegovine u boćanju osvojila je bronзанu medalju na Svjetskom prvenstvu koje se održava u italijanskom Alassiju.

“Došli smo sa dva igrača, uzeli smo brončanu medalju i to je veliki uspjeh za naš Boćarski savez BiH. Nažalost danas smo izgubili u polufinalu od Hrvatske. Moglo je bolje, ali mi smo zaista zadovoljni. Ovo je velika pobjeda i napredak boćanja u BiH” navodi Grubišić.

Izvor: www.ba.n1info.com

SEJFO ŠHOVIĆ NIŽE SJAJNE REZULTATE

Sejfo Šehović je za Bosnu i Hercegovinu, kao član Udruženja za razvoj sportova snage „Powerlifting & Bench Press Team“ na Svjetskom prvenstvu Powerlifting asocijacije WUAP održanom u Mađarskoj osvojio zlatnu medalju u deadliftu i pehar za apsolutno prvo mjesto, podigavši 255kg sa svojih 72kg u disciplini deadlift. Na ovome takmičenju je učestvovalo preko 1500 takmičara.

Na svjetskom takmičenju pri powerlifting asocijaciji GPC u Poljskoj kao jedini predstavnik BiH Šehović je osvojio zlatnu medalju, pehar za apsolutno 1. mjesto u deadlift-u, te oborio rekord u ovoj federaciji u svojoj kategoriji u deadliftu, podigavši 250 kg sa svojom tjelesnom težinom od 72 kg.

U Sloveniji na otvorenom prvenstvu WRPf federacije u Novoj Gorici, u deadlift-u je osvojio zlatnu medalju i pehar za apsolutno prvo mjesto, dok je na otvorenom prvenstvu Crne Gore u federaciji GPC u Cetinju osvojio zlatnu medalju i pehar za apsolutno 1. mjesto.



SAMBO | DVA PETA MJESTA ZA BIH NA SVJETSKOM SAMBO PRVENSTVU ZA JUNIORE I MLAĐE JUNIORE



U grčkom gradu Thessalonikiju održalo se Svjetsko Sambo prvenstvo za juniore i mlađe juniore, a Bosna i Hercegovina je imala dva predstavnika koji su osvojili dva sjajna peta mjesta u veoma jakoj konkurenciji: Adnan Demirović (youth) u kategoriji do 98kg i Srđan Ajvaz (junior) u kategoriji do 88kg.

Osim što su ostvarili izuzetne rezultate za našu zemlju, upisani su u FIAS (Svjetska Sambo Federacija) kao najbolji takmičari BiH i trenutno ušli među 5 najboljih u svijetu u svojim kategorijama.

EU PROJEKTI

EVROPSKA SEDMICA SPORTA 2021



U sklopu realizacije projekta „EU4Youth – European Week of Sport Beyond Borders in the Western Balkans“, kojeg sufinansira Evropska Unija, Olimpijski komitet Bosne i Hercegovine u mjesecu septembru obilježio je Evropsku sedmicu sporta kroz organizaciju niza aktivnosti i sportskih događaja.

Evropska sedmica sporta je inicijativa Evropske komisije za promovisanje sporta i tjelesne aktivnosti u cijeloj Evropi pod sloganom #BeActive. Stoga i Olimpijski komitet Bosne i Hercegovine ima za cilj promociju i podizanje svijesti o neophodnosti povećanja bavljenja fizičkom aktivnošću i sportom kod šire publike diljem Bosne i Hercegovine. Prvi događaj School Run održao se 19. septembra u Sarajevu, sa početkom u 09:30 u ulici Ferhadija, ispred znaka Sarajevo Meeting of Cultures, gdje je učestvovalo 400 osnovaca i srednjoškolaca.

Olimpijski komitet Bosne i Hercegovine, zajedno sa organizatorima trke NGO Marathon Sarajevo obezbijedio je besplatno učešće na School Run utrci za naše mališane, a prolaskom kroz cilj svi su dobili i poklon paket Evropske sedmice sporta. Sa našim najmlađim učesnicima trčala je i Lana Pudar, ambasadorica Evropske sedmice sporta, te kao istinski #BeActive-ista promovisala važnost bavljenja sportom i fizičkom aktivnošću.

25. septembra sa početkom u 10:30 sati u sportskoj dvorani Pirota u Travniku bio je istinski #BeActive dan. Sa preko 150 učesnika Olimpijski komitet Bosne i Hercegovine zajedno sa organizatorima Edukacijski centar PS Maya i u saradnji sa Opštinom Travnik uspješno su obilježili Evropsku sedmicu sporta u Travniku.

Naši najmlađi #BeActive-isti u Travniku imali su priliku okušati se u mnogim sportovima i team-building igricama. Kao i u Sarajevu, svi učesnici u Travniku dobili su poklon paket Evropske sedmice sporta, ali zasigurno je za njih najveći poklon bio provesti dan u fizičkoj aktivnosti i time pospješiti svoje fizičko i mentalno zdravlje.

Košarkaški klubovi KK BOSNA i KK RealWay Sarajevo su također uspješno organizovali revijalne utakmice u sklopu Evropske sedmice sporta.

Održani su i Dani otvorenih vrata Klub sportova na ledu UNITY Sarajevo u okviru Evropske sedmice sporta. Klub je na platou ispred dvorane Mirza Delibašić zajedno sa plesnim klubom „Bolero“ organizovao besplatne časove rolanja i zumbe za naše sugrađane.

Video EWoS 2021 pogledajte [ovdje](#).



STEPIN - ANALIZA STANJA I ISTRAŽIVANJE POTREBA U SEKTORU ZA SPORT OSOBA SA POTEŠKOĆAMA

– STEPIn, koji se finansira sredstvima Evropske unije u okviru IPA II programa prekogranične saradnje Srbija – Bosna i Hercegovina 2014-2020, trenutno se vrši istraživanje analize stanja i potreba u sektoru za sport osoba sa poteškoćama. Projektni tim STEPIn izradio je metodologiju istraživanja, koje se sastoji od dva upitnika – za sportske klubove/udruženja i organizacije i za parasportiste ili osobe sa poteškoćama koje se rekreativno bave sportom. Ovim putem pozivamo sve zainteresovane da se priključe STEPIn istraživanju, a to mogu učiniti popunjavanjem elektronskih upitnika:

1. Upitnik za sportske klubove/udruženja i organizacije možete popuniti [ovdje](#).

2. Upitnik za parasportiste i osobe sa poteškoćama koji se rekreativno bave sportom možete popuniti [ovdje](#).

Istraživanje vrši Olimpijski komitet Bosne i Hercegovine zajedno sa Paraolimpijskim komitetom Bosne i Hercegovine na teritoriji BiH, dok prema istoj metodologiji u Srbiji istraživanje sprovodi Fakultet sporta i fizičkog vaspitanja Novi Sad i Taekwondo klub Zmaj u Rumi.

Popunjavanjem upitnika dajete neprocjenjiv doprinos razvoju sadržaja online edukacije koja je planirana da počne početkom 2022. godine, a svi koji popune upitnik će imati prioritet u učešću na edukaciji koja će za vrijeme trajanja projekta biti besplatna.

Zakoračite sa nama u svijet novih mogućnosti – STEPIn!



ZAKORAČIMO!

Projekat sufinansira
Evropska Unija



INTERVJU SA... **MIRZOM NIKOLAJEV**



FOTO: [Instagram @ mirzanikolajev](https://www.instagram.com/mirzanikolajev)

OK BiH: *Kada i kako se rodila tvoja ljubav prema sankanju?*

MIRZA NIKOLAJEV: Moja ljubav prema sankanju se rodila odmah nakon prvog treninga na bob stazi u Sarajevu. Nakon prve vožnje sam odmah znao da je to sport za mene i da ću uživati u svakoj sekundi spusta. Primamila me je prvo brzina kojom se spuštam niz stazu, a nakon toga sam još više zavolio sankanje jer sam uvidio koliko je zahtjevno.

OK BiH: *Uzevši u obzir nedostatak adekvatne sportske infrastrukture za tvoj sport, zanima nas gdje i na koji način realizuješ svoje treninge?*

MN: Treninge tokom ljeta realizujemo u teretani gdje treniram snagu, eksplozivnost i kondiciju, a na stazi praksu, odnosno samo spuštanje na sankama. Tokom zimskog perioda idemo van države (GER, AUT, LAT, SWI, NOR, itd.) gdje treniram isključivo na stazama, a nađe se vremena i za treninge u teretani, ali obzirom na finansijsku podršku malo ih je teže organizovati.

OK BiH: *Koji je za tebe najponosniji trenutak u tvojoj sportskoj karijeri?*

MN: Ne mogu reći da imam samo jedan ponosan trenutak, kada malo bolje razmislim svi uspjesi koje sam do sada postigao, kako u juniorima tako i u seniorima, ponosan sam na svaki uspjeh pojedinačno.

OK BiH: *ZOI Peking 2022 su tvoje prve OI kakav je osjećaj i kakva su očekivanja?*

MN: Olimpijske igre 2022 u Pekingu, moje prve Olimpijske igre, nemam ništa drugo za reći osim da sam veoma uzbuđen i da jedva čekam da vidim kako to sve izgleda. Moje jedino očekivanje jeste da sve prođe po planu bez povreda i da nakon pune 24 godine napokon imamo predstavnika Bosne i Hercegovine u sankanju na ZOI.

OK BiH: *I na kraju, koja je tvoja poruka mladim sportistima koji se možda žele baviti sankanjem ili nekim drugim zimskim sportom?*

MN: Šta god izabrali i ako zaista volite taj sport, ne dozvolite da vas išta spriječi u ostvarenju vaših ciljeva.



ZAVIRITE U DRUŠTVENE MREŽE OK BiH (klikom na sliku)

OK BiH | PROMOCIJA KNJIGE "SVETI OBRUČI" 73 pregleda · prije 2 tjedna

Evropska sedmica sporta u organizaciji OK BiH | #Be... 12 pregleda · prije 3 tjedna

28. GODINA OK BiH | SVEČANA SKUPŠTINA OK ... 120 pregleda · prije 1 mjesec

OK BiH & Let's Do It | Olimpijska borilišta i ekolo... 74 pregleda · prije 1 mjesec

BH Telecom & OK BiH | Potpisivanje sponzorskog ... 59 pregleda · prije 1 mjesec

olimpijski_komitet_bih

28 GODINA
24.09.1993 - 24.09.2021.

Prikaži analitiku Promoviraj objavu

lanapudar i 37 drugih označuju sa "sviđa mi se"

olimpijski_komitet_bih Pogledajte kratki video | SVEČANA SKUPŠTINA OK BiH... više

Olimpijski komitet Bosne i Hercegovine
27. ruj · 🌐

Obavještenje | Rok za prijavu !

Olimpijski komitet BiH uz podršk... Prikaži više

Pogledaj prijevod

Olimpijski komitet Bosne i Hercegovine uz podršku Olimpijske solidarnosti organizuje
TEHNIČKI KURS ZA TRENERE
"Bazični principi kondicione pripreme sportista"
Program će se održati 9. i 10. oktobra 2021. godine, u prostorijama Olimpijskog komiteta Bosne i Hercegovine, Alipašina bb (OC ZETRA)

prof. dr. Milanka Muhićević polpredsjednik

Atargen Kvesić predsjednik

prof. dr. Izet Rado polpredsjednik

Obavještenjama zainteresovane da prijavu mogu izbiti i uključivo putem kratkog, državnog Saveza

#BEACTIVE
EUROPEAN WEEK OF SPORT
23-30 SEPTEMBAR

PSKC PIROTA, TRAVNIK
25.9.2021.
10:30 SATI

Make us proud.

Co-funded by the European Union

BRACE YOURSELF-SPORT IS BACK!

Općina Travnik MY WAY NUMBER7


centralna taovnicabto DAN VLAŠIĆ, travnik-grab

olimpijski_komitet_bih

Prikaži analitiku Promoviraj objavu

catooniiii i 107 drugih označuju sa "sviđa mi se"

Pratite nas na društvenim mrežama:
(klikom na ikone)



©2021. Olimpijski komitet Bosne i Hercegovine. Sva prava zadržana.
www.okbih.ba

Specijalnu zahvalnost dugujemo sponzorima i partnerima OK BiH.
Klikom na logo posjetite njihove oficijelne stranice.

